

司馬文正公集

刊



10145

涂水喬

人傑

重訂

章奏三十九

溲澤張

鋌心鐫

乞先行經明行修科劄子

元祐元年上

臣先上言乞每歲委陞朝文官保舉一人應經明行修科

與進士並置程試一如進士惟於及第後推恩優異以勸

勉天下舉人使敦修士行昨已有朝旨來年科場且依舊

法施行竊聞近有聖旨其進士經義並兼用注疏及諸家

之說或已見仍罷律義先次施行臣竊詳朝廷之意蓋為

司馬文正公集

卷四十一

章奏

一

舉人經義文體專習王氏新學為日已久來年科場欲兼

取舊學故有此指揮令舉人豫知而習之臣所乞置經明

行修科者欲使舉人知向去科場朝廷敦尚行義不專取

文學所以美教化厚風俗比於經義文體尤為要切宜使

舉人豫知欲乞亦降朝旨先次施行况與進士舊法兩不

相妨取進止

所舉孫準有罪自劾劄子

元祐元年上

臣先准詔書舉文學政事行誼之臣可以充館閣之選者

三人臣舉通直郎孫準近聞孫準與妻趙氏因爭女使與

妻兄趙元裕相論訴狀內有虛妄事罰銅六斤臣昧於知人所舉有罪理當連坐乞賜責降取進止

所舉係準有罪自劾第二劄子

臣先舉孫準行義無缺堪充館閣之選如後不如所舉甘當同罪近聞準與妻家爭訟罰銅六斤臣奏乞連坐責降伏蒙聖慈批還云孫準爲家私小事罰銅安有連罪伏緣臣舉狀稱準行義無缺今準闔門不睦妻妾交爭是行義有缺於臣爲貢舉非其人臣不敢逃刑况臣近奏十科或有不如其所舉其舉主從貢舉非其人律科罪雖見爲執政司馬文正公集

卷四十一

章奏

二

朝廷所不可輟者亦須降官示罰臣備位宰相身自立法首先犯之此而不行何以齊衆乞如臣所奏從貢舉非其人律施行所責率厲羣臣審慎所舉取進止

後殿常起居乞拜劄子

元祐元年上

臣竊以人臣見君禮無不拜文彥博年齡位望皆遠踰於臣每後殿起居猶須拜伏獨臣一人恩旨不拜忝爲臣子實不自安欲乞今後遇文彥博入朝與之同班不入朝卽別爲一班依羣臣例常起居况臣自揣近日筋力微增若得臣男扶掖其常起居四拜殊不爲難伏望聖慈聽許以

存朝廷之禮取進止

辭大禮使劄子

尋改差

臣先奉勅差充明堂大禮使伏緣臣自去冬以來脚膝無力拜起艱難至今正月下旬全妨拜起遂請朝假至今首尾八箇月若無人扶掖委實獨自拜起不得每次朝見幸蒙聖恩許男扶掖將來饗明堂在上帝前不可使人扶掖又隨皇帝陟降拜伏必恐未能一一如禮欲望聖慈矜憫別賜差官充大禮使取進止

論監司守資格任舉主劄子

元祐元年上

司馬文正公集

卷四十一

章奏

三

臣竊見御史韓川上言諸路監司不當拘限資格專任舉主當令宰相自加選擇竊緣常調之人不可不爲之立資格以抑躁進塞倖門若果有賢才朝廷自當不次遷擢豈拘此制凡年高資深之人雖未必盡賢然累任親民歷事頗多知在下艱難比於元不歷親民便任監司者必小勝亦朝廷執政止八九人若非交舊無以知其行能不惟涉徇私之嫌兼所取至狹豈足以盡天下之賢才若采訪毀譽則愛憎毀譽情僞萬端與其聽遊談之言曷若使之結罪保舉故臣奏設十科以舉士其中一科公正聰明可備

監司誠知請屬挾私所不能無但有不如所舉者嚴加譴責無所寬宥則今後自然慎擇不敢妄舉矣至如楚潛等雖無聲名安知其無實用俟其到官無狀廢職并舉主坐之亦未爲晚取進止

薦王大臨劄子

元祐元年八月八日上  
大臨除大學錄已卒

臣竊見鄆州處士王大臨通經術善講說安仁樂義舉高鄉曲貧不易志老不變節曷嘗有詔敦遣固辭不起伏望聖慈召致京師置之學官爲士類矜式取進止

乞官陳洙一子劄子

元祐元年上

司馬文正公集

卷四十一

章奏

四

臣竊以嘉祐中仁宗皇帝未有繼嗣故殿中侍御史陳洙奏乞擇宗室之賢者立以爲後既發奏狀謂家人曰我今日入一文字言社稷大計若得罪大者死小者貶竄汝輩當爲之備下奏狀者未返洙得疾而卒臣時爲諫官親聞見此事竊憐其亡身徇國繼之以死而天下莫之知近見故職方員外郎張術亦以當時乞建儲貳子申伯特補太廟齋郎伏望聖慈依張術例除一子官以旌忠義取進止

辭明堂宿衛劄子

元祐元年上

臣先奉聖旨將來明堂特與免侍祠攝事導駕及稱賀等

位肆赦立班止令宿衛在於人臣恩禮優厚無以復加捐  
生隕命不足酬報然臣日近患左足掌底腫痛全然履地  
不得跬步不能行未知痊愈之期所有將來明堂宿衛亦  
恐祇赴不得伏望聖慈特賜矜免乞恩不已懇懼無地取  
進止

辭提舉修實錄劄子

元祐元年上

臣先奉勅差提舉修神宗皇帝實錄臣自受命以來以衰  
羸多病罕曾得到局供職日近又患左足腫痛不能履地  
日甚一日未得痊愈之期所有修神宗皇帝實錄伏乞別  
司馬文正公集

卷四十一

章奏

五

賜差官提舉取進止

進呈上官均奏乞尚書省事類分輕重某事關尚書

某事關二丞某事關僕射白劄子

尋得旨依

今欲應尚書省事舊有條例事其不至大者並委六曹長  
官一面專決應奏上者奏上應行下者行下其有衝改條  
貫或應臨時特取旨及事體大非六曹所能專決者卽申  
都省委僕射左右丞同商量或送中書取旨或直批判指  
揮所有都省常程文字並只委左右丞一面批判指揮施  
行事體稍大及有所疑者方與僕射商量同批判所有諸

色人辭狀只委左右丞一面收接可留卽留可退卽退若  
六曹判斷不當及住滯不決卽別委不干礙官定奪是非  
及根究住滯因依若顯有不當及無故住滯其本曹官吏  
卽行按劾所貴上下相承各有職分行遣簡徑事務辦集

乞趁時收糶常平斛斗白劄子

元祐元年上  
尋得旨依奏

勘會舊常平倉法以豐歲穀賤傷農故官中比在市添價  
收糶使蓄積之家無由抑塞農夫須令賤糶凶歲穀貴傷  
民故官中比在市減價出糶使蓄積之家無由邀勒貧民  
須令貴糶物價常平公私兩利此乃三代之良法也曷者

司馬文正公集

卷四十一

章奏

六

有因州縣闕常平糶本錢雖遇豐歲無錢收糶又有官吏  
怠慢厭糶糶之煩雖遇豐歲不肯收糶又有官吏不能察  
知在市斛斗實價只信憑行人與蓄積之家通同作弊當  
收成之初農夫要錢急糶之時故意小估價例令官中收  
糶不得盡入蓄積之家直至過時蓄積之家倉廩盈滿方  
始頓添價例中糶入官是以農夫糶穀止得賤價官中糶  
穀常用貴價厚利皆歸蓄積之家又有官吏雖欲趁時收  
糶而縣申州州申提點刑獄提點刑獄申司農寺取候指  
揮比至回報動涉累月已是失時穀價倍貴是致州縣常

平倉斛斗有經隔多年在市價例終不及元糴之價出糴不行堆積腐爛者此乃法因人壞非法之不善也熙寧之初執政以舊常平法爲不善更將糴本作青苗錢散與人戶令出息二分置提舉官以督之豐歲則農夫糴穀十不得四五之價凶年則屠牛賣肉伐桑賣薪以輸錢於官錢貨愈重穀直愈輕朝廷深知其弊故罷提舉官令將累年蓄積錢穀財物盡椿作常平倉錢物委提點刑獄交割主管依舊常平倉法施行今歲諸路除有水災州軍外其餘豐熟處多今欲特降指揮下諸路提點刑獄司乘有此糴司馬文正公集

自今後州縣每遇豐歲斛斗價賤至下等之時卽比市價相度添錢開場收糶凶年斛斗價貴至上等之時卽比市價相度減錢開場出糶若在市見價只在中等之內卽不糶糶更不申取本州及上司指揮免有稽滯失時之患仍委提點刑獄常提舉覺察若州縣斛斗價及下等而不收糶價及上等而不出糶及收貯不如法變轉不以時致有損壞并監官不逐日入場致壅滯糶糶人戶並取勘施行若州縣長吏及監官能用心及時糶糶至得替時酌中價錢與斛斗通行比折與初到任時增剩及十分中一分以司馬文正公集

卷四十一

章奏

八

上許批書上曆子候到吏部日與升半年名次及二分以  
上許指躬家便差遣一次所貴官吏各用心州縣皆有  
儲蓄雖遇荐饑民無菜色又得官中所積之錢稍稍散在  
民間可使物貨流通其河北州縣有糶便司斛斗見多沿  
邊州縣轉運司見糶軍糧處更不糶常平倉斛斗若今來  
指揮內有未盡未便事仰委提點刑獄司逐旋擘畫申奏  
施行

乞約束州縣不得抑配青苗錢白劄子

元祐元年上

檢會先朝初散青苗錢本爲利民故當時指揮並取人戶

情願不得抑配自後因提舉官速要見功務求多散諷脅州縣廢格詔書名爲情願其實抑配或舉縣勾集或排門抄劄亦有無賴子弟謾昧尊長錢不入家亦有佗人冒名詐爲請去莫知爲誰及至追催皆歸本戶朝廷深知其弊故悉罷提舉官不復立額考較天下莫不欣戴昨於四月二十六日有勅命令給常平錢穀限二月或正月只爲人戶欲借請者及時得用又令半留倉庫半出給者只爲所給不得輒過此數至於取人戶情願不得抑配一遵先朝本意慮恐州縣不曉勅意將謂朝廷復欲多散青苗錢廣司馬文正公集

卷四十一 章奏

九

收利息勾集抑配督責嚴急一如曩日置提舉官時今欲續降指揮下諸路提點刑獄司告示州縣並須候人戶自執狀結保赴縣乞請常平錢之時方得勘會依條支給不得依前勾集抄劄強行抑配仍仰提點刑獄常切覺察如有官吏似此違法騷擾者卽時取勘施行若提點刑獄不切覺察委轉運司安撫司覺察聞奏

乞罷散青苗錢白劄子

元祐元年  
上得旨依

昨於四月二十六日降指揮令於正月二月支散常平倉錢穀竊慮州縣多不曉朝廷之意將謂却欲廣散青苗錢

多收利息嚴行督責一如未罷提舉官時勘會青苗錢利  
民甚少害民極多臣民上言前後非一今欲遍行指揮下  
諸路提點刑獄司自今後其常平倉錢穀只令州縣依舊  
法趁時糶糶其青苗錢更不支俵音驃散也所有舊欠二分之  
息盡皆除放只令提點刑獄契勘逐州縣元支本錢隨見  
欠多少分作料次令隨稅送納

司馬文正公集卷之四十一終

司馬文正公集

卷四十一

章奏

十

司馬文正公集卷之四十二 平陽徐 昆后山

涂水喬人傑漢三重訂

章奏四十

漢澤張 鉉心鑑

乞合兩省爲一劄子

元祐元年與三省同上

臣等聞三王不相襲禮五帝不相沿樂況國家設官分職張立治具上下相維修飾明備何所愧於漢唐何必事事循其陳迹而失當今之宜也謹案西漢以丞相總百官而九卿分治天下之事光武中興身親庶務事歸臺閣尚書始重而西漢公卿稍已失職矣及魏武佐漢初建魏國置

司馬文正公集

卷四一二 章奏

一

秘書令典尚書奏事文帝受禪改秘書爲中書有令有監而亦不廢尚書然中書親近而尚書疎外矣東晉以後天子以侍中常在左右多與之議政事不得任中書於是又有門下面中書權始分矣降及南北朝大抵皆循此制唐初始合中書門下之職故有同中書門下三品同中書門下平章事其後又置政事堂蓋以中書出詔令門下掌封駁日有爭論紛紜不決故使兩省先於政事堂議定然後奏聞開元中張說奏改政事堂爲中書門下自是相承至於國朝莫之能改非不欲分也埋勢不可復分也曷日所

謂中書者乃中書門下政事堂也唐末諸司使皆內臣領之樞密使參預朝政始與宰相分權矣降及五代改用士人樞密使皆天子腹心之臣日與議軍國大事其權重於宰相太祖受命以宰相專主文事叅知政事佐之樞密使專掌武事副使佐之自是以來百有餘年官師相承中外安帖百司長官及諸路監司諸州長吏皆得專達或申奏朝廷或止申中書樞密院事大則中書樞密院進呈取旨降勅劄宣命指揮事小則批狀直下本司本路本州本人故文書簡徑事無留滯神宗皇帝以唐自中葉以後官職

司馬文正公集

卷四十二 章奏

二

繁冗名器紊亂欲革而正之誠爲至當然但當據今日之事實考前世之訛謬刪去重複去其冗長必有此事乃置此官不必一依唐之六典分中書爲三省今中書取旨門下覆奏尚書施行凡內降文書及諸處所上奏狀申狀至門下中書省者大率皆送尚書省尚書省下六曹六曹付諸案勘當檢尋文書會問事節近則寺監遠則州縣一切齊足然後相度事理定奪歸著申尚書省尚書省送中書取旨中書既得旨送門下省覆奏畫可然後翻錄下尚書省尚書省復下六曹方符下諸處以此文字繁冗行遣迺

回近者數月遠者踰年未能結絕或四方急奏待報或吏民辭訟求決皆困於留滯又本置門下省欲以封駁中書省錄黃樞密院錄白恐有未當若令舉職則須日有駁正爭論紛紜執政大臣遂成不協故自置門下省以來駁議甚少又門下不得直取旨行下雖有駁議必須却送中書取旨中書或不捨前見復行改易又內批文字及請處奏請多降付三省同共進呈則門下之官已經商量奏決若復有駁正則爲反復近日中書文字有急速者往往更不送門下省然則門下一官殆爲虛設徒使吏員倍作文書

繁冗無益於事臣等今衆共商量欲乞依舊令中書門下通同職業以都堂爲政事堂每有政事差除及臺諫官章奏已有聖旨三省同進呈外其餘並令中書門下官同商議簽書施行事大則進呈取旨降勅劄事小則直批狀指揮一如舊日中書門下故事併兩省十二房吏人爲六房同共點檢抄狀行遣文書若有溢員除揀選留住外並特與減三年出職不及三年應出職者與減磨勘年限若政事有差失委給事中封駁差除有不當委中書舍人封還詞頭又兩省諫官皆得論列則號令之出亦不爲不審慎

矣如此則政事歸一吏員不冗文書不繁行遣經直於先帝所建之官並無所變更但於職業微有修改欲令於事務時宜差爲簡便其委曲條目並候得旨允許續議修立取進止

乞令六曹長官專達劄子

元祐元年上

臣等聞王者設官分職居上者所總多故治其大要居下者所分少故治其詳細此理勢之自然紀綱所繇立也是以周官小宰以官府之六屬舉邦治大事則從其長小事則專達凡宰相上則啓沃人主論道徑邦中則選用百官

司馬文正公集

卷四十二

章奏

四

賞功罰罪下則阜安百姓興除利害乃其職也至於簿領之差失期會之稽違獄訟之曲直胥吏之遷補皆郎吏之任非宰相所宜親也故人有言察目聵者不能見百步察百步者亦不能見目聵言詳於近者必畧於遠謹於細者必遺於大也今尚書省事無大小皆決於僕射僕射自朝至暮省覽文書受接辭狀未嘗慙息精力疲弊於米鹽細故其於經國之大體安民之遠猷不暇復精思而熟慮恐非朝廷所以責宰相之事業也竊以六曹長官古之六卿事之小者豈可不令專達臣等商量欲乞今後凡有詔令

轉付尚書省者僕射左右丞簽訖官告黃牒之類已簽訖者更不簽分付

六曹謄印符下諸司及諸路諸州施行其臣民所上文字

并付尚書省僕射左右丞簽訖亦分付六曹本曹尚書侍

書及本廳郎官次第簽訖委本廳郎官討尋公案會問事

諸司度理道檢詳條貫下筆判云今欲如何施行次第通

呈侍郎尚書若郎官所判已得允當則侍郎簽過尚書判

准應奏上者直奏上應行下者直行下即未得允當者委

侍郎尚書改判事之可否皆決於本曹長官其文字分付

本廳郎官之時委本曹長官隨事大小鑿限若有稽遲即

司馬文正公集

卷四十二章奏

五

行糾劾即委的有事故結絕未得者申長官展吏部尚書如舊日判

東西審官院左選侍郎如舊日判流內銓右選侍郎如舊

日判三班院戶部長官如舊日三司使刑部長官如舊日

判審刑院舊日本司文字並直更不經繇僕射左右丞即

奏直下今欲令六曹長官准此改更條法或奏乞特旨謂如刑部刑名疑慮或情理可憫

或事體稍大或理有可疑非六曹所能專決者聽詣僕射

左右丞咨白或具狀申都省委僕射左右丞商議或上殿

取旨或頭簽劄子奏聞或入熟狀或直批判指揮其諸色

人辭狀並只令經本曹長官陳過尚書侍郎本廳郎官次

第簽押判決一如朝廷判下臣民所上文字次第施行若

六曹不爲收接及久不結絕或判斷不當卽令經登聞鼓院進狀降下尚書省委僕射左右丞判付本省不干礙官員看詳定奪若本曹顯有不當卽行糾劾所貴上下相承各有職分行遣簡徑事務易集取進止

乞令三省諸司無條方用例白劄子

元祐元年上

勘會舊例只是前官所行或是或非豈足永爲後法近歲三省及百司多用例破條諸色人亦多於條外攀援體例希求恩澤欲令今後凡有正條者並須依條無條方許用例前例若是所當遵行前例若非卽宜釐革只委本省六司馬文正公集

卷四一二章奏

六

曹本司長官相度理道與奪批判所貴向去漸除弊條

乞令監司州縣公舉按所部官吏白劄子

元祐元年上

檢會監司知州通判於本部官吏內有罪惡顯著而有失覺察者並連累責降雖有舊條然未嘗一一行遣又慮一路一州官吏衆多上位覺察不盡又未指定合覺察事件致寬者則一切不問急者則濫及無辜又凡爲監司州縣長吏當進賢退不肖不可但令覺察有罪不令舉薦賢才

今欲立舉薦四條一曰仁惠

謂安民利物衆所畏愛非疲軟不立曲取人情者

曰公直

謂心無適莫事不吐茹非內私外公實佞詐直者

三曰明敏

謂深察情理應機辦事非

備詳採美利四曰廉謹謂安貧守分動遵法度非詐清勾名偷安避事者按察四

條一曰苛酷謂用刑繁苛殘雪踰法者二曰狡佞謂傾險巧詐危人自安者三曰昏

懦謂不曉物情依阿無守者四曰貪縱謂饕餮無厭任情不法者凡監司州縣於所

部之內皆得以此八條舉按官吏其舉薦者於本部官吏

之內有仁惠公直明敏廉謹者可舉則舉無有定數縣舉

之州州置簿記姓名州舉之監司監司置簿置姓名監司

舉之朝廷中書置簿記姓名各隨所舉行能任使以試之

果有實効則漸加旌異其按察者監司專按察知州軍通

判路分都監以上知州軍通判專按察在州官吏及諸知

司馬文正公集 卷四十二章 七

縣知縣專按察簿尉及縣界內官吏若有苛酷狡佞昏懦

貪縱者縣體量申州州體量申監司監司體量申奏續更

體量的確事迹糾發施行若有失察覺別致因事彰露其

監司降知州軍知州降通判通判各降一資知縣降監當

其餘所部官吏監司知州軍通判皆得按察但不坐失覺

察之罪卽挾情按察不以公者候勘鞠見實自依常法知

縣惟得具事迹申州不得擅勸命官

乞不帖例貸配劄子

元祐元年十月二十日上

勘會守法者有司之職揆道者君相之權伏見從來命官

犯罪大理寺既依法定斷更令刑部檢例或追官或勒停  
或衝替或差替之類朝廷依而行之謂之特旨凡人之罪  
犯于端而事體萬計豈可求其此類能得正同又既謂之  
特旨當臨時斷在朝廷若先令刑部帖例朝廷依此施行  
乃是輕重之權返在有司也欲今後應命官犯罪大理寺  
既定斷委刑部看詳內有法重情輕或法輕情重並具狀  
申中書省更不帖例委中書省官相度情理輕重同共商  
量除依法外自貸命編配至特放臨時擬定進呈取旨施  
行其百姓犯大辟罪諸州奏稱刑名疑慮及情理可憫之  
狀大理寺依法定斷委刑部看詳委的有疑慮可憫之狀  
卽具狀申門下省更不帖例委門下省官相度事理同共  
商量臨時擬定或依法或貸命編配進呈取旨施行

再申明役法劄子 元祐元年上

檢會二月六日勅文止是罷免役錢其諸色役人並依熙  
寧元年以前舊法委令佐揭簿定差尚慮諸路州縣利害  
各有不同所以下文云委逐縣看詳若有妨礙施行未得  
卽具利害擘畫申州仰本州類聚諸縣所申擇其可取者  
具利害擘畫申轉運司轉運司類聚諸州所申擇其可取

者具利害擘畫奏聞其意欲使本州體量諸縣所申利害之虛實擘畫之是非擇其實而是者條例申轉運司云某縣當如何措置某縣當如何措置其餘已依舊法定差地行轉運司得諸州所申亦如此體量條例申奏蓋欲隨處差役曲盡其宜非謂使逐路共爲一法也今訪聞諸路轉運司不遵用熙寧元年以前舊法又不取諸州縣所擘畫各以己意撰成一路役法差官分詣諸州縣名爲商量其實諷諭令隨己意却作州縣擘畫立法申奏州縣稍有違異輒加責怒以此多不依應得逐處利便不合民心又諸司馬文正公集

卷四十二章奏

九

路州縣見朝廷置詳定役法所以爲當別撰役法頒下往往等候下卽定差殊不知看詳役法所專候諸路州縣具到利害擘畫卽作一路一州勅行下以此觀望遷延久不了絕今欲特降指揮下諸州縣除有舊法妨礙難行之事速具申陳外其餘並依舊法一面定差其看詳役法據逐處先申到利害擘畫事件如得允當逐旋奏乞令本處依此施行所貴差之法日近早見結絕

涂水喬人傑漢三重訂

賦

溲澤張

鉅心鑄

交趾獻奇獸賦

嘉祐三年八月二十七日

皇帝御天下三十有六載化洽於人德通於神邇無不協  
 遠無不臻粵有交趾來獻麒麟其為狀也能頸而鳥喙狶  
 首而牛身犀則無角象而有鱗其力甚武其心則馴蓋遐  
 方異氣之產故圖謀靡得而詢於是降輶車之使發旁縣  
 之民除塗於林嶺之隘引舟於江淮之濱曠埽以而涉萬  
 里然後得入覲于中宸與夫雕題卉服之士南金象齒之  
 珍歎紫闥而空音奔塵也入充彤庭而並陳於是羣公卿士百  
 僚庶尹儼然垂紳薦笏旅進而櫛曰陛下功冠邃古化侔  
 儀極恭承神祇嚴奉宗稷純孝烝烝小心翼翼出入起居  
 不忘於訓典進退問旋必咨於軌則體文王之卑服遵大  
 禹之菲食官室觀臺無礪刻之華輿馬器用無珠玉之飾  
 遊必備於法駕燕不廢於朝夕此皆帝王所不能為而陛  
 下行之尚不忘於怵惕是以方內又寧黎民滋殖垂髫之  
 童耳皆習於詩禮戴白之叟目不睹夫金革至於根著淨

司馬文正公集

卷四十三 賦

流跋行喙息無不翔舞太和溷濡茂澤此殊俗所以響臻  
靈獸所以來格雖漢室之初黑鵲貢於絕徼周家之隆白  
雉通於重譯殆不足方也臣等謂宜命協律播之聲歌詔  
太史編之簡策以發揮不世之鴻休張大無倫之丕績不  
亦偉乎皇帝乃穆然深思愀然不怡曰吾聞古聖人之治  
天下也正心以爲本修身以爲基閨門睦而四海率服朝  
衆和而羣生悅隨故務其近不務其遠急其大不急其微  
今邦雖康未能復漢唐之宇俗雖阜未能追堯舜之時况  
物尚疵癘而民猶怨咨朕何敢以未治而忘亂未安而忘

司馬文正公集

卷四十三 賦

二

危享四方之獻當三靈之釐且是獸也生嶺嶠之外出沮

澤之涓

水草交曰涓

得其來吾德不爲之大縱其去吾德不爲

之虧奈何貪其琛贖

音進財貨也

之美悅其鱗介之奇容其欺

給之語聽其諂諛之辭以惑遠近之望以爲蠻夷之嗤不

若以迎獸之勞爲迎士之用養獸之費爲養賢之資使功

烈烜赫聲名葳蕤

音威蕤草木實垂貌

廢耳目一日之玩爲子孫萬

世之規豈不美歟於是羣臣拜手稽首咸曰此盛德之事

臣等愚戇所不及陛下誠有意於此臣等敢不同心竭力

封禪而行之皇帝於是御棫樸之篇觀大畜之繇延黃髮

之偉顯巖穴之秀善有可旌無間於幽遠言有可采不棄  
於微陋位匪德而不升官無能而不授使稷契居左皇夔  
立右伊呂在前周召侍後相與講經藝之淵源覽皇王之  
步驟求大化之所未孚訪惠澤之所未究興民之利若瘵  
音廖治也夫飢渴除民之害若憂夫疾疢賜予簡而功無所遺

刑罰清而姦無所漏浮費省而物不屈於求須苛役蠲而  
農不妨於耘耨使之夏有葛而冬有裘居有倉而行有糗  
絲纊之饒足以養其老甘脆之餘足以慈其幼地不加廣  
而百姓足賦不加多而縣官富道塗之人恥爭而喜讓間

司馬文正公集

卷四十二 賦

三

閭之俗弃滴而歸厚戶知禮義之方人享期頤之壽然後  
旃裘之長顛顚而讐服祝髮之渠回面而奔走靡不投利  
兵而襲冠帶焚僭服而請印綬於是三光澄清萬靈敷佑  
風雨時若百稼豐茂休氣充塞殊祥輻奏甘露霖霖也小雨

於林薄

草叢生日薄

醴泉

音必

沸於嵌

邱街切

寶莖莖羅植於堦

祀朱草叢生於庭雷鳳凰長離

靈鳥名

駢枝而結巢黃龍騶

虞羣友而爲畜由是觀之則彼齋夷之凡禽瘴海之怪獸  
皮不足以備車甲肉不足以登俎豆夫又何足以耗水衡

之芻而汙百里之圃者哉

稷下賦

齊王樂五帝之遐風嘉三王之茂烈致千里之奇士總百家之偉說於是築鉅館臨康衢盛處士之遊壯學者之居

美矣哉高門橫閤音亢高門貌夏大也屋長檐鱗疊明潔几杖清

嚴爾乃雜佩華纓淨冠素履端居危坐規行矩止相與奮

髯橫議投袂高談下論孔墨上述羲炎樹同拔異辨是分

非榮譽樵株為之翦蔚訾毀堯美化為瑕玼譬若蘭芷蒿

沙布濩於雲夢之泖鴻鵠鴝鶒鼓舞於渤海海之別名之涯於

是齊王沛然來遊欣然自喜謂稷下之富盡海內之美慨

司馬文正公集 卷四十三 賦 四

乎有自得之志矣祭酒荀卿進而稱曰吾王闢仁義之塗

殖詩書之林安人之慮廣致治之意深然而諸候未服四

鄰交侵士有行役之怨民有愁痛之音意者臣等道術之

淺薄未足以稱王之用也王曰先生之責寡人深矣

願卒聞之對曰臣聞之玃玃亂玉魚目問珠泥沙漲者其

泉恩音混蓂莠茂者其穀蕪網者棄綱而失叙行者多岐而

喪塗今是非一槩邪正同區異端角進大道羈孤何以齊

蹤於夏商繼軫於唐虞誠能撥去浮末敦明本初修先王

之典禮踐大聖之規模德被品物威加海隅忠正修烈讒

邪放疎行其言不必飽其腹用其道不必暖其膚受其  
深齧肥而餐驕君之祿不若荷鋤耒而爲堯舜之徒惜  
夫羨食華衣高堂閑室鳳藻鴟義豹文麋質誦無用之言  
學難得之日民未治不與其憂國將危不知其失臣竊以  
大王爲徒慕養賢之名而未覩用賢之實也已

靈物賦

元豐元年六月  
二十七日作

有物於此制之則留縱之則去卷之則小舒之則鉅守之  
有主用之有度習之有常養之有素譽之不喜毀之不怒  
誘之不遷脅之不懼吾不知其何物聊志之於茲賦

司馬文正公集

卷四十三

賦

五

司馬文正公集卷之四十三終

司馬文正公集卷之四十四

平陽徐 昆后山

涂水喬人傑漢三重訂

五言古詩

淺澤張 鉞心鐫

贈邵興宗

窮達有常分得喪難豫言古今浩浩茫倚伏安可原軒裳  
彼自榮舉俗同崩奔錙銖校重輕冰火殊涼溫君子固無  
愧立身明本根度矩苟不愆寵辱徒喧喧有如清濟流橫  
貫長河渾景公馬千駟南面雄東藩陶青劉舍徒位爲丞  
相尊當代非不顯磨滅何足論顏回在陋巷藜藿甘盤餐  
司馬文正公集 卷四十四 古詩 一

昏昏

邵興宗南園草盛不翦僕過而愛之爲詩以贈

君家在何許遠與南城鄰車馬不甚繁門前無俗塵有圃

鉏治繞舍皆荆榛入夏益滋蔓鬚鬚音參高没人豈無舊

雜與之均謂言彼草木於我奚疎親於閒置取舍

豈得完天真不若任其然同受雨露仁物性且不違人心  
何緇磷閉戶不迎客箕踞無冠巾苟忘軒冕心何異巢居  
民

送文慧師歸眉山

應符

至人心如雲去住唯所適飄飄涉四海豈復校喧寂

音怯

也來王城遊紅塵驛晨夕忽思還故峯不可留宿昔離合

皆自然於何寄驪戚從茲坐林下白首傲泉石山鳥集掌  
中巴猿侍瓶錫寺前煙蔓深何處求行跡

出都日塗中成

司馬文正公集

卷四十四

古詩

二

賤生習山野愚陋出於骨雖爲冠帶拘性非樊籠物揚鞭  
出都門曠若解徽縛

亂

是時天風惡靈沼波蕩汨龍鬣互

騫騰鷗群遠浮沒川原寢踈豁煙火稍蕭瑟草木雖未榮  
春態先髣髴桑稀林已斜柳弱條可屈蛛絲罟

音網罟也

晴陽

鼠土壅新窟徐驅欵段馬放轡不呵咄與爾同道遙紅塵  
免蓬勃

送崔尉

堯封

之官巢縣

弱歲家淮南常愛風土美悠然送君行思逐高秋起巢湖  
映微寒照眼正清泚低昂塵荷芡明滅縈葭葦銀花綸已

魚玉粒炊香米居人自豐樂不與佗鄉比况得良吏才  
復蒙嘉祉君爲太學生氣格已英偉登科如拾遺舉步欵  
音旭暴千里毋嫌位尙微觀政此爲始尊公久場屋上國  
起也

困泥滓豈不重相離念子勉爲理當令佳譽新燧燧滿人  
耳高堂雖在遠聞之足爲喜何必羞三牲然後稱甘旨

酬宋次道初登朝呈同舍

林葩積浮脆煙霧矜春姿山桂結芳堅冰霰橫秋枝夫君  
名卿嗣華實雙葳蕤如何仕不偶通籍鬢生絲豈非秋桂  
類不足煩嗟咨我今三十餘汨沒無佗奇正恐食浮人敢  
司馬文正公集 卷四十四 古詩 三  
言位猶卑同登天子廷自視誠非宜清朝正求治諫路方  
坦夷太平可立致此任非君誰

奉同范景仁宋次道太常致齋韓廷評維見過闈人  
不時內韓去乃知爲詩謝之

端居太常署寒日淡孤清取酒呼諸友談笑方縱橫韓君  
士林秀四海依高名家襲鍾鼎貴身無簪組縈道暹風塵  
外萬物秋毫輕未嘗妄過人所過以爲榮如何枉玉趾及  
門失相迎主人豈傲客事有迷誤并追延旣不及相視徒

驚威鳳顧修梧不下還孤征景星歎呈彩旋有流雲生

靈物固難觀俗眼真不明投謝有何物珉石從雙瓊

送守哲歸廬山

哲公金陵來神韻自孤秀京華三十春高節愈幽茂烜赫公卿門道路日奔走自非趣尚合一息不相就慷慨賢豪

士波溢千金富蔬飯苟有餘秋毫未嘗受蹠屨音器鏡喧譁也

不可變堅白如瓊琇居然尙愁寂終厭塵土臭忽思香爐雲

蒼蔚冠孤岫振衣尋昔遊煙霞宛如舊絡木藤蔓長攬音

瓜持也石松根瘦瀑泉響夜壑乳管溱春竇茅茨蔭方丈宴

坐度清晝几席雨奇花階除馴猛獸方知物外樂回視人

司馬文正公集

卷四十四

古詩

四

寰陋慎勿露聲光愚迷將輻湊

清明後三日同鄰幾景仁次道中道興宗元明秉國

如晦公踈飲趙道士東軒以日暮天無雲春風扇

微和爲韻得和字

寂寥清明後餘春已無多閑軒富佳致不惜載酒過水木  
晚尤秀風煙晴更和臨樽不盡醉奈此芳菲何

晉康陳生庸家世以孝悌聞有異木連理生其庭郡

欲旌表其門不果王禹玉爲之求詩於朝之士大

夫以紀之

靈珠蟠泥沙積水不能掩賢人蓄美德豈必自標檢陳生  
世同財百口共豐儉遠居嶺海間天質非陶染邦人慕其  
行鬪辨日衰減祥木并殊柯童童植軒檻或欲揭其門令  
人識儀範愚公私不然外獎由內歎已能孝悌著默致神  
靈感何必賜牛酒然後明褒貶况茲詩詠末瑣瑣事鉛槧  
才薄不敢辭適能爲汗點

送邵興宗之丹陽

赤日裂后土萬家如烘爐君行何事役似爲貧所驅埃塵  
稍去眼雲景日蕭疎扁舟乘長風倏忽變三吳六年羈旅  
司馬文正公集

卷四十四 古詩

五

倦一旦誰掃除慎勿忘回首浩蕩江山娛

新遷書齋頗爲清曠偶書呈全董二秀才并示姪良

富

長夏暑候濁雲火高噴吭豈徒肌骨煩木卷川流乾新居  
得南齋楹檻稍虛寬森羅對草樹曉暮清陰寒洒掃布几  
簞氣體粗可安圖書雖非多亦足備覽觀聖賢述事業細  
大無不完高出萬古表遠窮四海端於中苟得趣自可忘  
寢餐况今有道世穀祿正可干昂哉二三子及時張羽翰  
力學致顯位拖玉簪革冠毋爲玩博奕趣取一笑歡壯年

不再來急景如流九

奉同何濟川迎吏未至秋暑方劇呈同舍

稗金避老火暑勢尤驕盈朱光燦厚地萬葉雋無聲夫子  
久倦遊得郡爲親榮束裝待騶吏歸期殊未成埃沙寒廣  
陌蓬藿擁前楹出處兩不愜孤坐心煩榮何時驚飈來掃  
蕩天地清郊墟草樹疎千騎從雙旌飄飄若神仙阜蓋西  
南征離群詎幾時豈不懷友生有意肯相過不妨巾屨并  
官舍稍虛涼愧無殺酒迎

晚食菊羹

司馬文正公集

卷四十四

古詩

六

朝來趨府庭飲啄厭腥羶况臨敲扑喧憤憤成中煩歸來  
褫冠帶杖屨行東園菊畦濯新雨綠秀何其繁平時苦日  
痲滋味性所便采擷授厨人烹淪調甘酸毋令薑桂多失  
彼真味完貯之鄱陽甌薦以白木盤舖啜有餘味芬馥逾  
秋蘭神明頓颯爽毛髮皆蕭然迺知愜口腹不必矜肥鮮  
嘗聞南陽山有菊環清泉居人飲其流孫息皆華顛嗟予  
素荒浪強爲簪綵牽何當葺敝廬脫略區中緣南陽句  
嘉種蒔彼數畝田抱甕親灌溉爛漫供晨餐浩然養恬漠

巧通

庶足延頽年

和吳冲卿崇文宿直睹壁上題名見寄并寄邵不疑

冲卿詩序僕與不疑三人同登進士同自太學官入校集賢書又嘗同直一室今不疑謫南方僕佐東平冲卿因宿直觀壁上題名爲詩代書

白袍昔紛紛相與會東堂帝梧碧蕭瑟

卽碧色也

翔集皆鸞鳳

伊予素空踈濫吹翰墨場不爲羣儁遺出處聯簪裳爾來

凡六閏轉穀飛炎涼同歌太學下共醉金馬旁修竹壓牕

寒天桃倚戶芳金盤剖盧橘玉壺分蔗漿驚呼局上急嘲

笑杯間狂神情一契會形迹兩俱忘歡餘嘆薄宦離合何

能常濡毫紀歲時揮霍素壁光去秋隨相車泔牒來東方

司馬文正公集

卷四十四 古詩

七

城中未徧辭不疑逐南荒奔波走郊外取別何蒼黃舉觴

未及盡亟歸還束裝行行到官下日積簿領忙文書擁筆

端胥史森如牆况當三伏深霑汗尤淋浪細蠅繞眉睫驅

嚇不可攘涔涔頭目昏始覺冠帶妨誠知才智微吏治非

所長懼貽知已羞敢不益自強因思甌閩遠南走侵溟漲

炎烝異中縣從古無雪霜終朝坐茅屋鹽茗征行商謹誦

費口舌解囊收毫芒不疑性高介此因安可當山川幾千

里問訊誰能將冲卿居京邑青雲正騰驤寓直紫臺上風

塵東廂清夜不成寐緩步聊彷徨拂此壁上塵遠懷同

舍郎英辭歎感發高義紛激昂冷冷宮殿虛諷咏何琅琅  
手書成兩通貯之古錦囊一往泉山南一致汶水陽豎重  
金壁體光寒矛劍銘迺知賢儒心淺俗未易量何嘗用榮  
枯遽爾分否藏居然激衰薄更使清風揚

惜別贈宋復古張景淳

昔別如飛蓬飄蕩隨所適那知十六載卮酒對今夕渺然  
思舊遊間不容一息百年詎幾何會合難屢得復古素愷  
悌志行重金錫皎如百鍊精不爲燥濕易景淳氣高逸浩  
蕩誰與敵下筆驚雷霆龍蛇走屋壁居然器業美但有富  
司馬文正公集

卷四十四

古詩

八

初見白髮慨然感懷

萬物壯必老性理之自然我年垂四十安得無華顛所悲  
道業寡汨沒無佗賢深懼歲月頽宿心空棄捐視此足自  
傲拔之迺違天留爲鑑中銘晨夕思乾乾

謝胡文學九齡惠水牛圖二卷

牛生天地間益物用最其功配坤元象爻易者卦血毛  
類上帝膺蟹景福介宗廟及賓客百禮無不在引耒刺中

田粒食烝民賴服箱走四方竭力任重載昔聞戴叟筆圖  
寫窮織芥胡君繼其妙差肩立異代公卿仰名聲一觀不  
可句如何散賤者遽有雙圖賚所嗟性顛愚雅不曉佳畫  
有如歌九韶鍾鼓樂聾得之乃虛器無異居大蔡神物  
恐化去立召風兩怪雙圖雖卷還重贖敢不拜

投梅聖俞

聖俞精爲詩堅重比白玉至寶識之希未必諧衆目應辰  
仰高風跂聳自西蜀平生未相識歉歉不自足薄遊困京  
師旅食止脫粟得官當入秦行李未結束先求聖俞門執

司馬文正公集

卷四十四 古詩

九

贅請所欲九衢季冬月風沙正慘黷羸馬憚遠行毛鬣寒  
瑟縮旅拒不肯前一步九刺蹙飢童袖擁口手足盡皸

音軍

足病也

瘡音祝手足中寒瘡也

論詩久未出竊罵怨滿腹歸來面揚揚

氣若飢梁肉纍纍數十字踈淡不滿幅自謂獲至珍呼兒  
謹藏蓄長安十五驛重復問川陸置詩懷袖間勸總輒披  
讀高吟桑野闊日暝卽投宿自可忘羈愁行瞻灞陵曲

酬胡侍講先生

環字翼之 見寄

后王命天官考績弊羣吏屬曹省閤閱專職米鹽事賤生  
偶承乏竊祿聊自庇才力困不逮慘慘日憂惱賴依僚友

賢勦裂沛餘地自知雖寄名不足繫軒輊先生喜誘拉貽  
詩極褒賁誰云歲抄寒面熱汗沾漬非不悅子道駑鈍力  
難致常恐負吹噓終爲重言累

晚歸書室呈錢君倚

簿領日沈迷事役等胥靡得歸無所爲未免閱書史一種  
勞精神胸中異憂喜人生無苦樂適意卽爲美迺知抱關  
人不必羨青紫

偶成

於陵薄三公桔槔親灌園伯成輕南面執耒耕丘樊淵明

司馬文正公集

卷四十四

古詩

十

耻爲令乞食倚人門賢人樂遂志榮辱安足言鄙哉夸毗  
子結駟乘朱軒

同錢君倚過梅聖俞

王畿天下樞簿領日填積自非奉朝請九衢未嘗識今茲  
到東城胥靡躓逃役近指聖俞居安能不往覲一室靜蕭  
然昏碑帖古壁叩階讀新詩迷闇得指擿笑言殊未足黷  
然日將夕呼馬涉歸塗燈火已歷歷又知幾何時更有重  
來迹

梅聖俞惠詩復以二章爲謝

我得聖俞詩於身亦何有名字託文編他年知不朽  
我得聖俞詩於家果何如留爲子孫寶勝有千金鉢

和錢君倚藤牀十二韻

嗟予仕京府謀祿非謀身豈徒勞百骸消鑠侵天真  
曠官誅敢辭從事勤朝訊獄中囚暮省案前文雖有八尺  
牀初無偃息痕比歸暫解帶日沒軒窓昏援枕未及就  
面愁飛蚊未能習律令何暇關皇墳夫君天才秀明穎  
糾紛右曹况清簡刺裂奚足云未遇且堅卧逢時將致君  
行當起經濟膏沐醒吾人

司馬文正公集

卷四十四

古詩

十一

旬慮十七韻呈同舍

府官無旬休慮問迺遊息詔書禁從詣還舍始朝食緩帶  
對藜羹下筯免促迫門前吏卒散却掃謝來客北軒有蔭  
牀今晨始拂拭蓬髮亂宜梳霜髭閑可摘開囊曬藥物發  
筍出書冊菊畦親灌浸茶器自涓滌於時孟秋末天晴色  
紺碧林葉雖未零風聲已浙瀝神明還九藏清氣襲百脉  
征夫解甲胄疲馬脫羈勒蜚鳥開樊籠跳魚出鼎鬲形骸  
盡我有不復爲物役雖非久安逸幸得少頃適訟庭止敲  
扑咫尺異喧寂明朝不能然顧盼愁月夕

夜坐

春陽氣未勝重爲陰所乘涿涿積雨闕慘慘餘寒增流雲  
鬱不開烈風尚憑陵夜闌閉戶牖青暈生昏燈僮僕悉已  
眠書几久欹凭涉獵閱舊聞覽使心魂澄有如行役歸丘  
園况重登又如遠別離邂逅逢友朋嗟嗟宦遊子何異魚  
入罾奪其性所樂強以所不能人生本不勞苦被外物繩  
坐愁淸旦出文墨來相仍吏徒分四集僕僕如秋蠅煩中  
劇沸鼎入骨真可憎安得挿六翮適意高飛騰

二月中旬慮問過景靈宮門始見花卉呈錢君倚

司馬文正公集

卷四十四

古詩

三

賤生叅府僚勉強踰半歲終非性所好出入意如醉訟庭  
敲扑喧衆草絕生意不知有青春倏忽已改燧周章連日  
忙爛漫數宵睡軒窗岌飛舉風雨頗恣睢謂言芳菲物狼  
籍應掃地今晨呼馬出歷獄問囚繫窈窕清宮深倉琅朱  
門閉廣殿蕭層陰虛庭藹佳氣長楊委嫩綠老栢淨新翠  
薜荔垂蜿蜒奇石立蟲屬音備意壯大貌豁然愁憤開精神四面  
至事役難少留馬去尙回睇亦足慰無聊年華不都棄

和始平公夢中有懷歸之念作詩始得兩句而寤因

和江鄰幾六月十一日省宿書事

長夏金正伏火意尤驕盈夫子寓官舍無術逃煩蒸軒窻  
豁四開滅去壁上燈紵衣不可親羽扇安能勝濯泉泉已  
濕撫簟簟可憎萬葉情無風但有飛蚊鳴六腑燥不濡喉  
舌煙塵生攝衣起徐步四顧天正晴雲漢淺欲涸箕畢徒  
縱橫忽思終南巔秀出秦雲青上有長松林蔽日深杳冥  
下有萬仞壑含蓄太古冰安得躡輕屐杖策緣崢嶸挂冠  
可馬文正公集 卷四十四 古詩 三

芙蓉闕結屋高崖稜回視萬鍾祿影撇如飛蠅  
和張仲通學士苦暑思長安幕中望終南秋雪呈江  
鄰幾

秋雲覆秦川小雨野未濕誰言終南頂已有霰雪集返景  
開新晴孱顏照都邑初疑江海闊遠浪橫風急又疑龍蛻  
骨透適委原隰詞客登高樓四望瀟興入當時應百篇遺  
散不復拾今茲官帝城大暑困鬱懣紅塵滿九衢出入冠  
帶襲家居賓旅來俯屢煩拜揖回思幕中趣引領安可及

養文采正如玄豹螿君往犯其巖騰起誰敢繫嗟予

素性怯旁睨毛髮立強復綴此章庶幾勇可習

和張仲通追賦陪資政侍郎吳公臨虛亭燕集寄呈  
陝府祖擇之學士

吾家陝之北陝事吾能說孤亭占城隅形勝最殊絕雲消  
天宇空極目鳥飛滅大河西北來洶湧地脉裂萬里卷流  
沙長驅走溟碣羣山勢離合披靡隨曲折林薄帶村墟郊  
原如繡纈祠宮望神禹閑田指虞芮高丘相巫咸空巖懷  
傳說聖賢迹已遠縹渺見風烈吳公昔爲守治行瑩冰雪  
君從豐鎬來華館息塵轍主人喜嘉客置酒升嵒嶮清歡

司馬文正公集

卷四十四

古詩

古

浩無涯燭至樽未撤誰知捧手辭遽有幽明訣至今猶墮  
淚遺愛滿耆耄擇之新下車條教悉施設依然典型在先  
後如符節嗟予仕京邑苟祿自羈縲丘壘翳荒松三年灑  
掃缺求歸未能得朝莫腸百結得君臨虛詩髣髴見里闕  
何時往登臨曠若目去曠茂通憂來復長吟益使寸心折

次韻和吳冲卿秋意四首

槐花滿庭除籍籍不可掃稍踈召平瓜漸熟王陽棗失時  
團扇弃新進袷衣好日暮益愁思寒蟬起幽草忽聞秋興

篇嘆賞幾絕倒

二  
端居倦煩暑園圃久不窺雨餘秋氣新紅葉生紫梨形骸  
得蕭散不知環堵卑何能效流俗把酒須菊枝登高已可  
醉四野青雲垂

三

縱棹下清溪波靜地仍偏日夕水風涼蕭酒成安眠兀兀  
但高枕悠悠還進船中流忽驚寤漁父歌扣舷山川非曩  
時回首雲霞邊

四

司馬文正公集

卷四十四 古詩

五

弱植生川澤託根北堂後昔時青春姿扶疎映軒牖風霜  
日消落憔悴復何有靈穿枯節斷雨漬虛心朽幸不夭天  
年猶得勝凡柳

和邵不疑校理蒲州十詩

飲亭

亭有流盃渠

飛蓋名僚集臨流芳宴開縈紆漱文石次第傳清盃迴波  
亦多意并泛落花來

涌泉石

樞密學士蔣公知府事得片石大如席上  
有數十竅莫知所施公問石工對曰此蓋

涌泉石也乃於飲亭下鑿池爲瑫置石其上

夏日從旁激水灌之躍高數尺以清暑氣

砉然片石寒百道飛泉吐高堂忽蕭颯坐失炎蒸苦蛟龍  
臥欲飛仰嘖音巽秋空雨

翠樓

條山翠氣橫隱嶙秋空窄危樓雨初度卷幌延佳色撲撲  
滿前軒嵐光真可摘

碧樓

煙瓦疊琉璃危樓半空倚歌鍾奉高宴聲來碧雲裏日暮  
天四垂黯淡如秋水

靜齋

司馬文正公集

卷四十四 古詩

其

逸二句

聊窺碧甃缺寒草生歷歷時聞山鳥呼未得全幽

寂

槐軒

逸二字

軒已幽况復植宮槐簷外陰沉綠南山雨氣來道

遙不知久驚此黃花開

涼 逸一字

逸二句

清風滿四境豈獨華榭下不若楚臺人披襟獨蕭

灑

芙蓉軒

忽歆傷翩然翠禽起

惜花亭

春章交蹀躞園林日愁寂枝邊綠陰重砌下紅英積茲亭  
花最繁飄零尤可惜

竹軒

茂密正當軒欹垂欲侵案風枝忽交戛月影爭凌亂誠嘉  
君子心匪直林亭玩

和昌言官舍十題

司馬文正公集

卷四十四

古詩

七

石榴花

靈根逐漢臣遠自河源至流離徧中壤今茲盡苗裔畏日  
助殷紅凍雨滌濃翠宜攜避暑客花下橫縱醉

薏苡

佳實產南州流傳却山瘴如何馬伏波坐取丘山謗夫君  
道義白復爲神明相厲氣與流言安能逞無狀

石蘭

楚人歌紫蘭華禁無傳久循名意茲是誰得名真否天憐

芳華孤秀發秋風後固令芳物生聊作黃花友

萱草

葉濯宿露翠花迎朝日黃昔誰封殖此儼列侍高堂達士  
隱於吏孰爲行與藏逍遙玩永日自無憂可忘

蜀葵

白若繪初斷紅如顏欲醜坐疑仙駕嚴幢節紛駢羅物性  
有常妍人情輕所多菖蒲儻日秀棄擲不吾過

畦蔬

隙土惜荒棄剪治成春畦講零時澤洽葵萑高參差醜渠  
若貫脉疏腴如畫基爲吾謝來客桔槔毋語機

司馬文正公集

卷四十四 古詩

六

水紅

夢想水鄉遊階庭植龍古宛如江外行高帆落寒浦煙枝  
靜疎秀風穗閑低舉於今看未好漠漠宜秋雨

甘菊

野菊細瑣物籬間私自全徒因氣味殊不爲庖人捐采升  
白玉堂薦以黃金盤願若南陽守永扶君子年

蘭

賢者非無心園夫自臨課藝植日繁滋芬芳時入座青葱  
奇茹擢皎潔秋英墮正苦郢中人遙唱高難和

百竹久不治蕪沒真可弔豈無枯槁容蕭疎自殊調至人  
愛高節命斧除藜藿何用報至思清澹與長嘯

謝興宗惠草蟲扇

吳僧畫團扇點綴成微蟲秋毫宛皆具獨竊天地功細者  
及蛛蝥

音茅 音藪 蛛也

大者纔阜蝨枯枝擁寒蠋黃葉粘飛蜂翾

然得生意上下相追從徒觀飛動姿莫睹筆墨蹤見曹取  
造物細校無不同恐其遂躍去亟取藏箱中乃知藝無小  
意精神可適不與誤圖蠅能感紫髯翁子猷狀蠅雀藏寶  
司馬文正公集

卷四十四 古詩

九

得江東不知古何如此畫今爲雄人墓木已拱其徒頗能  
直舊法存百一要足超凡庸友人幸爲賜物薄意何隆玩  
之不替手愛重心無窮常如對君子穆穆來清風

齊山詩呈王學士

哲字 微之

江上有奇山群峰矗如翦昔聞齊刺史置酒升絕巘其人  
有惠政嘉名自茲遠君來踵其迹詞牒日清簡驪駒將入  
谷勝地窮搜選問俗復懷人非徒事遊衍

以簫

人吹簫者以和真韶聲後世不得真韶聲仍吹簫

和始平公見寄

嚮來從後車雍容鎮藩垣政成簿書簡終日侍清樽今茲  
備言職不得登朱門違離詎幾時風色變寒溫忽聆吉甫  
什穆如承話言安得六翻生隨意遠飛翻垂耳倦新羈蹠  
足思華軒諒無伯樂顧疲勞安敢論

又和并寄楊樂道

聖主樂忠諫曲從如轉圜玉色粹陽春至仁生自然所慙  
群臣愚無以稱開延賤生何爲者惻足青規前頑石不可  
練安能補高天狂簡昧大體所依官長賢有如驂之韞左  
司馬文正公集

卷四十四

古詩

三

右隨周旋庶幾助山甫袞職無尤愆緬思老成人阻親函  
丈筵豈不寸心勞動爲纏緲牽何當執壽卮跪起得差肩  
相顧藐無期瞻望徒悃悃

早春戲作呈范景仁

閨餘春意早卉木先有思嚶嚶群鳥翔東西各求類伊予  
忝諫垣動息抱憂悻袞職曠不補言責真可畏况復禁過  
從陋巷若囚繫茅茨疵風雨偏隘無餘地時於壞垣隙歷  
歷生新薺君侯乃比鄰跬步難自致常思去歲初西軒習  
歌吹座客皆故人歡笑無拘忌平生不喜酒是日成爛醉

豈言長揖歸良會難再值東風忽復來時華一何駛駛音事  
叢竹固無恙天桃作花未朝廷正清明詎肯容竊位何當  
遂廢放歡飲還自恣

夏夜

溽暑鬱不開蟲蟲雲萬疊長風卷地來凍雨不濡葉雖無  
潤物功涼冷得所愜須臾號怒息清月照壁頰小冠簪短  
髮衣裾輕獵獵欹傾依曲几暫爾蘇疲音聶坐久不思  
眠草間微露泐

種竹

司馬文正公集

卷四十四

古詩

三

種竹南牆陰竹生皆北嚮苟非陽在北竹性安可強乃知  
就陽意草木皆有情園葵最柔弱獨取傾心名

秋懷呈范景仁二首

草木正蕃蕪孰知天地秋况茲宿雨餘景氣益和柔消搖  
愧簪紱夢想懷林丘茲志久未果素髮今已稠仰視白日  
光浩蕩浮雲流安得黃鵠羽陵風千里遊

二

疇昔共登仕爾來三十秋常晞絲繩直竊耻鴟夷宗蹄涔  
學鉅海螳垤依崇丘行之不自疑親寡憎怨稠於今

去淪胥恐同流努力買良田遠追沮溺遊

贈道士陳景元酒

籬根委餘菊堦角擁殘葉清言久不挹何以慰疲榮朋樽  
涵太和高興雅所愜誰云居室遠風味自可接

范景仁召飲東園呈陳彥升宋自道李才元蘇子容

去冬辱嘉招寒風方最最今秋侍高宴晴日正澄麗雖無

花蔕

音委華  
榮也

繁且有丘樊思雖無山泉樂躑躅塵土氣僕

休散城邑馬縱脫羈轡謹呼笑言適散誕冠帶棄殊勝禁

掖嚴進止有常地

司馬文正公集

卷四十四 古詩

三

虞帝

虞帝老倦勤薦禹爲天子豈有復南巡迢迢渡湘水至德  
遠無象異端紛紛起意疑大聖人姦儉亦如已乃知中下  
士何由逃謗毀

聶著作作三舅謫官長沙作耐辱亭書來索詩

少連善降志無恤能忍詬茲亭名耐辱締構自吾舅樽前

湘水清席下湘山秀於焉忘榮枯終日醉醇酎攻愁若攻

敵避喧如避寇困久理須通非徒保無咎

走索

伎兒欲誇衆喜占衢路交繫組不厭長縛竿不厭高空中  
紛往來巧捷如飛猱音銑却行欠膚寸劄縫連秋毫參差有  
萬一齏粉安可逃錢刀不盈掬身世輕鴻毛徒資旁觀好  
曹偶相稱褒豈知從事者處之危且勞

邵不疑廳薜荔及竹

修竹非俗物薜荔亦嘉草樹之君子庭人來見逾好侵堦  
鶴羸細緣壁龍鱗老紛披兩疎翠烟色宜秋早主人日封  
植清風庶長保

和公達過潘樓觀七夕市

司馬文正公集

卷四十四 古詩

三

織女雖七襄不能成報章無巧可乞汝世人空自狂帝城  
秋色新市市翠帟張僞物踰百種爛漫侵數坊誰家油壁  
車金碧照面光土偶長尺餘買之珠一囊安知杼軸勞何  
物爲蠶桑紛華不足悅浮侈真可傷

酬江鄰幾問不飲栽菊

鄰幾詩曰君實不飲酒庭下  
多栽菊不知黃花開柰此杯

中綠凌晨烟露滋後日風霜  
促欲表君苦心宜種子猷竹

黃菊本天物先隨元化生酒醴迺人功後因儀狄成酒客  
強親菊菊酒初無情種之荒階側何嘗妨獨醒修竹氣  
灑自合生君庭

次韻和邵不疑假書江鄰幾知方酣寢爲詩通意

江翁順天和心迹兩夷簡雖如邊韶寢且異宰予懶平居  
無時閑經史自課限高歌慕翰林鳴琴寫中散倏然物外  
人強爲章綬縮官舍苦秋霖瞬息聊休眼勤音異勞也已有  
餘宴安可愧赧借書誰敢驚欹枕尚未暖不疑神驥才垂  
耳困卓棧碌碌隨吾儕拜揖把手版毋嫌朱墨倦騰舉已  
爲晚慎勿思山林山林付愚孱

司馬文正公集卷四十四終

司馬文正公集

卷四十四

古詩

十四

涂水喬人饒漢三重訂

五言古詩

漢澤張

無心鑄

八月廿七日夜省

窮秋直省舍

東壁根時有塗墨墜

立呼燭久方至徙之近西偏

此加啄噬避煩只深藏

沾漬雖起欲何之室中無燥地

司馬文正公集 卷四十五 古詩

因思閭井民餬口仰執技

與盜米薪木同時置敗衣不足準

多敢不自知愧無謀忝肉食

送雷大簡

南山有白雲應物任所適

終深挾嘉生待蘇息無為遠收卷

和吳冲卿三哀詩

江鄰幾梅堊俞 新飲聖

天生千萬人中有一儒

在天資浮飾耻燥刺朝

分內有淄澠別逢時政危言慷慨誰能奪聖俞詩七千歷  
歷盡精絕初無追琢勤氣質稟清潔負茲驚世才未嘗自  
標揭鞠躬隨衆後側足畏蹉跌欽聖渥注駒初生已汗血  
雖有絕塵縱不失和鸞節宜爲清廟器儼雅應鍾律衆論  
誠共然非從友朋出郡材方大來軼軋高下不齊貌扶帝室誰  
云指顧間聯翩化異物弔緘哭未已病枕氣已竭同爲地  
下遊攜手不相失紳紱頓蕭條相逢但嗟咄誦君三哀詩  
終篇涕如雪眉目尚昭晰笑言猶鬢鬣肅然來悲風四望  
氣蕭瑟

司馬文正公集

卷四十五

古詩

二

和邵不疑送遠使還道中聞江鄰幾梅聖俞長逝作  
詩哭之

昨夕郵吏來叩門致書函呼奴取以入就火開其緘不疑  
賦長篇發自燕之南痛傷江與梅繼踵良人殲噫嗟知其  
二尚未知其三請從北轅後覩縷音羅呂委曲也次序也爲君談鄰

幾雖久病始不妨朝參飲歡寢衰久厥道生虛痰逮於易  
質辰皮骨餘崆嶽遺書屬清儉終始貞無慙聖俞食寒水  
外以風邪兼愚醫暴下之結轆音色侯愈添憊懣氣上走不

復容鍼任自言從良友地下心亦甘欽聖體素彊藥石

所譜平居察舉措敢以不壽占一朝蹇歸臥簿領不廢  
計來衆皆愕未信猶闕覘興言念三子舉袂涕已霑英賢  
能幾何逝者迹相銜君疑天上才難得帝所貪我疑人間  
美多取神所嫌茫茫幽明際蒼難窮探憂來不可忘終  
日心厭厭

和梅聖俞詠昌言五物

括蒼石屏

主人小石屏得之括蒼山括蒼道里遠致此良亦難層崖  
萬仞餘騰出浮雲端吳兒采石時蘿蔓愁攀緣石文狀松  
司馬文正公集  
卷因一五  
古詩  
三  
雪毫髮皆天然置之坐席旁清風常在顏願君善藏蓄永  
日供餘閑慎勿示要人坐致求者繁將使括蒼氏吁嗟山  
谷間

淡樹石屏

昔行鞏洛間馬瘦天復陰寒煙淡不收一拂橫長林當時  
無畫工負此清賞心今朝石上迹歷歷皆可尋輕素已紛  
泊老幹仍蕭森坐令高興還野氣生裘襟丹青不耐久風  
日易消侵何如造化貞更彼歲月深昌言家素貧購此糜  
百金請鑄好事名千古無消沉

白鶻圖

白鶻日邊來一息萬里遙橫飛碧海晴六翮寒蕭蕭輕如  
朔雪花迥與長風飄傾身疊緝爪吟嘯何哮噉瞥來疾驚  
電歛起先扶搖遂令狐與狸不敢矜凶妖尉羅不可取滅  
影還雲霄世人莫得見粉繪圖輕綃凜然堂牖間霜氣生  
春潮風雨夜如墨古木無鳴臬

懷素書

見七言

縛虎圖

孫生非畫師趣尚頗奇偉爲人少諧合不肯畜妻子時時

司馬文正公集

卷四十五

古詩

四

入深山信足動百里蕭然坐盤石盡日曾不起精心忽有  
得縱筆何恢詭萬象皆自然神工相表裏流傳落人間萬  
金易寸緝君家縛虎圖用意尤精緻雖云鎖紐牢觀者猶  
披靡昔聞劉綱妻制虎如犬豕繫之牀脚聞垂頭受鞭箠  
孫生儻未見畫此亦何理明知非世人羽化實不死願君  
佗日歸置之成都市必有乘槎人庶幾能辨此

獨樂園七詠

讀書堂

吾愛董仲舒窮經守幽獨所居雖有園三年不踐日邪說

遠去耳聖言飽充腹發策登漢庭百家始消伏

釣魚庵

吾愛嚴子陵羊裘釣石瀨萬乘雖故人訪求失所在三旌  
豈非貴不足易其介柰何夸毗子斗祿窮百態

採藥圃

吾愛韓伯休采藥賣都市有心安可欺所以價不二如何  
彼女子已復知姓字驚逃入窮山深畏名爲累

見山臺

吾愛陶淵明拂衣遂長往手辭梁主命犧牛憚金鞅愛君

司馬文正公集

卷四十五 古詩

五

心豈忘居山神可養輕舉向千齡高風猶尚想

弄水軒

吾愛杜牧之氣調本高逸結亭侵水際揮弄消永日洗硯  
可抄詩泛觴宜促膝莫取濯冠纓紅塵汗清質

種竹齋

吾愛王子猷借宅亦種竹一日不可無蕭灑常在目雪霜  
徒自白柯葉不改綠殊勝石季倫珊瑚滿金谷

澆花亭

吾愛白樂天退身家履道釀酒酒初熟澆花花正好作詩

邊看朋欄邊長醉倒至今傳畫圖風流稱九老

和利州鮮于轉運

仇字子駿

公居八詠

桐軒

朝陽升東隅照此庭下桐葦葦復萋萋居然古人風跡柯  
青玉聳密葉翠羽蒙午景凝餘清夕照留殘紅雨響薨棟  
外風生戶牖中主人政多暇步賞常從容終當致威鳳覽  
德鳴嚶嚶又將施五絃解慍歌帝宮

竹軒

茲軒最灑落歷歷種琅玕正晝簿書稀蕭蕭風雨寒翠陰  
司馬文正公集 卷四一五 古詩 六  
涼宴坐疎韻承清歡錦籜裁夏扇玉筍供春槃晴蝸潛葉  
底暝雀投林端幽興遇物愜高懷隨處安且免一日無何  
須千畝寬

栢軒

凜然凌霜色本自生丘壑徙之君子庭栽培固不薄靜夜  
聲颼颼音卯清晝陰漠漠秀氣逼簷檻翠影通簾箔知君梁  
棟材大匠偶未度但守歲寒心閑軒亦不惡

巽堂

巽堂選形勝地直巽之隅主人心寥齊公出此巽居而來

故鄉客東過朝大夫時逢志所愜下榻同歡娛琴碁間壺  
觴賦詠雜歌呼民間旣羲皇席上宜華胥每思就一醉幸  
無官守拘柰何三千里風埃與泥塗

山齋

幽蹊入桃李危樓蟠林麓行行忽虛敞高齋出山腹園圃  
近指掌郊郭紛盈日春老醪醑香夏淺簣簞喜

竹名

綠條橫

塞外村居獨燒轉望畬田響答玲伐木驚麇挺走險鳴禽  
嚶出谷物華時變更興趣日相續誰知使者尊常著野人  
司馬文正公集

卷四十五

古詩

七

服肯以駟馬榮區區

誇也

鄉族

閒燕亭

吏治正倥偬夫君何燕閑繭絲旣云寡符移皆可刪

子駿奏減

役錢幾半朝廷是之

印封從事散躡屐展升東山放杖坐危亭清嘯出

雲間無私席賓少忘機林鳥還野人瞻翠微稽首雙眉班

會景亭

景物浩無窮茲爲一都會之人心若鑑萬狀盡相對喬林

擁砌底修嶺倚臆背流雲過席上去鳥出天外徐徐杖屨

征藹藹郊原晦來往亦何爲逍遙真樂內

寶峰亭

孤亭冠山椒下視物不隔六合縱心賞萬家窮目方髻髻  
烏奴翠衣帶嘉陵碧霞生白水尾日没九龍春煙凝朝夕  
市塵飛往來驛雖復對紛紜何嘗改岑寂實兼觀風遠非  
徒選勝適巴峽少平田每苦天宇窄及茲伏檻檻坐瞰南  
北極先君昔乘輅名題古寺壁侍行尚垂髫孤露今戴白  
讀君登臨詩舊遊皆歷歷永無膝下歡終篇涕霑臆

先天  
聖中

靈山寺流泉

侍先君爲利州路轉運使題  
名諸寺子駿皆爲之刻石

司馬文正公集

卷四十五

古詩

八

去寺猶一里隔林聞水聲安知客乘興山下遠相迎

且遊

遊人戀山水日晏澹忘歸但愛雲煙好那知僕馬饑

永濟渡二首

洛水寒可涉長汀柳飛葉節物先無期自與幽懷愜

二

清波見白鷗靜林聞啄木泉細入平沙雲開出幽谷

八月十五日夜寄友人

故人信音絕對月動相思清露滴紅葉此懷當告誰秋風

廣陵郭正是望濤時

華州祇役往馮翊留別楚正叔

建中

芳菲不得駐會取餘春還欲知回首處涓曲蒼茫間

何秀才

漢倫

郊園五首

主人耽詩書樂道深居久挾策往來遊東岡復南畝

二

濁酒不取味素琴無復絃何須更清論相見自蕭然

三

蒼蒼竹林暝鬱鬱松氣寒縱橫興來筆歆側醉中寇

司馬文正公集

卷四十五

古詩

九

四

褰裳涉幽澗日落煙巖空躊躇待新月長嘯來清風

五

夏木繞茅廬暮酒資清宴密葉綠藏枝空聞黃鳥囀

陪同年吳冲卿登宿州北樓望梁楚之郊訪古作是

詩

大禹息洪潦晝野經九州波沉露羣山巖巖相嬰鉤浣泗

澹茲土平敞誠寡仇乘高極回望坦坦無陵丘先生崇皞

濟建祀邦諸侯王帛從會同赴告書春秋六維方逐鹿爲

羸弱姬周茲爲會戰場，蹀血無時休。漢錯削七國，禍生東  
南陬。亞夫閑高壁，坐折彊吳謀。典午倒太阿，闢戶延旃裘。  
淮泗漫腥羶，房心掩旄頭。人移煙火絕，榛茂豺狼遊。唐綱  
日寢衰，盜起如螟蝥。相攜聚萑蒲，袒臂提鉏耰。蟠薄數千  
里，焚劫無餘留。聖朝定多壘，劍戟包貔貅。秦秦荆棘林，隴  
廡良田疇。耒耜趣時雨，黍稷豐歲秋。昔爲車騎利，今睹桑  
麻收。我來宦東土，冀營音郎乘春流行。行次符離，固爲親  
交留。樽壘且爲樂，攜手登高樓。是時新雨餘，風日方和柔。  
雲鮮亂花薄，波綠迷芳洲。羃羃游絲轉，袞袞野陽浮。調簧  
司馬文正公集 卷四十五 古詩 十

奉和經略龐龍圖延州南城八詠

迎薰亭

華館壓清波，坐待南風至。須知明牧賢，善達吾君意。

供兵噐

晨暮響寒泉，飛輪駛風轉。士飽氣益振，輕與先零戰。

柳湖

依依煙未歇，漠漠風初靜。  
浮花滿波面，不見參差影。  
飛蓋園

軍中富餘暇，飛蓋南城隈。  
雍容陪後乘，一一應劉才。

翠漪亭

雕簷日華動，激瀆照漪漣。  
四月芰荷滿，不似在窮邊。

延梨渠

枝分清淺流，縱橫貫城市。  
還如恩在人，潤澤無終既。

緣雲軒

逼漢敞高巖，緣雲結飛閣。  
東山華樹曠，致足登臨樂。

司馬文正公集

卷四十五 古詩

十一

禊堂

簫鼓震陽休，組練昭芳洲。  
意氣坐中客，羞笑山陰遊。

河上督役懷器之寄呈公明叔度時器之觀獵滄州

河災汎東郡，廬井多堙淪。  
題輿得賢佐，媿媿安疲民。  
遂令

枯槁餘稍復，蘇陽春伊人。  
屏外飾僮窮，天真徒觀浩蕩。

波莫測江海，津矧茲同府士。  
一一隨和珍，公明抱全德洞。

澈無緇磷，叔度秉峻節。  
竦若凌霜筠，顧茲不肖材。  
亦齒幕

中賓，同依松栢陰，共醉醍醐醇。  
高論探要妙，佳句裁清新。

有詩縱歡譁，杯案霑衣巾。  
曾無禮節間，但以風期親。  
凡州

有疑獄兩造正紛綸當須于公所然後無寃人送行出郊  
岐揚鞭從此違隄絲春事起行役未成歸索居如幾日河  
草已芳菲徒然掩瑤瑟坐嘆知音稀昨夜西南風夢中東  
北飛行行涉滄海髮髯暗容暉寤思益惆悵天長羽翼微  
離懷如柳色極目正依依

都下秋懷呈聶之美

愚踈強從仕趣尚與時乖竭來遊京邑榮願知誰諧王國  
富與奇氣象標巖崖雲鴻送雙目攀援路可階秋風轉枯  
葉颯颯繞寒齋出門無所之飛塵滿天街夫君宦未達猶  
司懸好並公集

卷四十五

古詩

三

送李汝臣同年謫官導江主簿

得喪互循環古今昧終始百歲落其間僅與毫芒似所以  
達人心身外不復紀愁來若亂絲疏解當以理昔君關外  
來籍籍聲華起憑案一濡毫萬言俱落紙老生窺其文色  
若寒灰死閣筆不能下敢有疵瑕指或時抵卿相入門俱  
倒屣闢夫迎受謁不敢揚眸視解褐吏邊州長途初進跬  
蛟龍得尺水雙轂方嶷嶷西羌負德澤飛鏑聳邊鄙添兵  
十萬餘斗粟無支擬州郡走符檄縱橫恣鞭箠閭閻浪愁

若卒食半糠粃上官知君才悉以儲糧委開倉募平糴至  
者車連軌嚴明束吏手誘諭提民耳留穀受金去若與同  
儕市弦朔未云周露積丘山比曾無轉餉勞坐飽防秋士  
幕府上其功明詔深嘉美爲僚登九寺長人專百里聊用  
報勤劬未言窮任使何期逢怨讐意外成瘡痂刺骨舞文  
法吹毛出瑕滓清霜五月飛慘烈傷蘭芷鸞鳳失椅梧飄  
泊遠荆枳聖朝方任能大過尚收齒况於濟時具蹙然遭  
詆訾寧因青蠅惡遂取璵璠毀良工搆明堂必不遺杞梓  
勉哉益自立勿爲窮衰止人生難豫期神理無終否庸知  
繁春酒旨莫作弔原文投之岷江水

秋日寄山中友人

昨夜聽秋風霜崖幾樹紅心隨新鴈去苑至碧谿東聖主  
搜漁釣林巖今已空胡爲執高節憔悴久山中

和之美舟行雜詩八首

舟中夜坐二首

風柳動蕭疎寒星動寥落中霄四寂然時有遊魚躍

落席帆岸柳縈單舸小市遠微茫簇水初燈火

船行遇風

蔡水僅成波不若江湖濬誠無傾側憂纜弱終難進

野花

喧喧桃李蹊何妨笑幽草但願保天真徐共春風老

水鴨

雛縱出短蒲毳毳

音陪毳  
鳳舞貌

浴清水物忌太鮮明何妨染泥

萍

魚鷹

司馬文正公集

卷四十五 古詩

古

翩然下林表不憚風湍惡德儁輒高飛爲君羞擊搏

魯魚者

弱篠絳輕絲盡日寒溪側獲少近知無溪魚皆爾識

都門路

紅塵晝夜飛車馬古今迹獨憐道旁柳慘澹少顏色

和之美河洲四詩

冉冉河洲曉晴霞登木杪稍見水煙開孤舟天際小

二

杳杳河洲晚客行殊未返目隨林鳥還心共征鴻遠

寂寂河洲夜蘆花繞墟舍孤客久未眠  
意燈落寒灶

音射 燭貌

漠漠河洲雨依稀辨村聚時哉鷗鳥羣  
凌亂爭鳴舞

又和夜雨宿村舍

積雨久未闕豈徒行客憂夜聞屋中人  
嘆息悲田疇方春播種時種食皆外求  
鞭訶犯赤日酷烈慙羸牛草蕞競禾長  
從人借鉏耰晨疇戴星起日闇未能休  
豈無一時勤所覲歲有秋今茲昏墊災大  
埜成洪流直疑滄海溢蘄粟浮

司馬文正公集

卷四十五 古詩

五

陵丘昔時百丈原沉沉皆拏舟喬木失  
端杪饑鳥下無投黍稷沉黃泥圭合安  
可收嗟予乏技能無以易糠粃販鬻固  
所昧敢託市井遊欲依盜賊羣懦不閑  
戈矛已哉任天地無益徒爲愁一身無  
死所况爲妻兒謀之美愛物者凄然涕  
霑裘一夫有不獲伊尹爲深羞何當富  
斯民比屋困倉稠惜哉祿秩卑此志終  
宜酬

送韓太祝

維

歸許昌

賦得交字

王城名利窟冠蓋鬱相交夫君獨鳳舉  
影然去喧呶潁水清可濯箕山高可巢  
反顧公相榮一芥浮堂坳

逸二

大呂

重豈知輕斗筭蒼蒼氣象嚴萬木擁寒郊逸二點隈曲初

旭染林稍去去善自將因聲訪衡茅

### 和興宗夜直聽雨

逸一

字 茫凍雨來入夜勢增急縱橫挾春風飄灑相噴吸敗

窻端見欺遠有萬點入先生服經編眼冷倍昏澁夜分童  
僕倦跛倚厭久立燈火爲溟濛詩書亦霑濕夫君儲善價  
未售不悵悵物華迎霽新佳賞時將及困中秣幾何營釀  
須汲汲

### 寶鑑貽開叔

司馬文正公集

卷四十五

古詩

去

流塵集寶鑑塵昏鑑不昏纖泥落清水泥渾非水渾人能  
辨二物相與自忘言二物不能辨悠悠何足論無爲捨其  
內逐外取煩寬

### 謝王道濟惠古詩古石器

緱氏古城裏好古王道濟作詩有古風讀書知古意朝來  
遣僕夫遺我古石器結從天地初生自一拳際工倕創規  
摹般輪施剗淪茗北窻下坐有羲皇思嗟予性迂鄙齷齪  
齷居今世忝官污臺省曾無益時習退藏又濡滯尚不離  
朝市闕地避煩暑頗與營窟類新構西齋中鑿地爲室謂之涼洞誠非古

人比拜賜得無愧

首夏呈諸鄰二章

首夏木陰薄清和自一時筍抽八九尺荷生三四枝新  
裁蠟翼舊扇拂蛛絲莎徑熟未劇晨昏來往宜

二

燼燼久旱天颯颯昨宵雨塵頭清過轍水脉生新渚豈徒  
滋杞菊亦可望禾黍勿笑盤蔬陋時來一觴舉

雨中過王安之所居不謁以詩寄之

萬木含涼雨驅馬有餘清長街帶短蕪舊潦駢新萍高齋

司馬文正公集

卷四十五

古詩

七

彼誰居雅尚推名卿浮亭雖地卑躡屐未妨行野服踞藜  
牀蕭散臨前楹纂纂棗林繁欣欣藥碗榮過門不敢叩自  
視慙冠纓素與安之約不以公服相過

送藥栽與王安之

盛夏移藥栽及雨方可種爲君著屐取呼童執傘送到時  
雲已開枝軟葉猶重夕陽宜應澆又須煩抱甕

張明叔兄弟雨中見過弄水軒投壺賭酒薄暮而散

詰朝以詩謝之

喜君午際來涼雨正紛泊呼奴掃南軒空席葦量度軒前

紅薇開壺下鳴泉落

虎爪泉上覆之以板每投壺板

上設欄繞之漏去壺各二欠半必爭

如五射有禮異六博求全怯乖成倒置畏反躍

新格例中

算盡廢之

雖無百驍巧且有一笑樂交飛觥酒滿強進盃餐薄

荷非興趣同珍殺徒綺錯

### 小雨

雲日互出沒數朝飛雨清瞳矐似欲止廉纖還去晴映空  
輕絲亂著物細珠明葉端危未落荷心重忽傾喜涼高鸞  
舞便濕羣蛙鳴於子亦有得藥晚胡麻生芳洲晚日鮮曲  
岸新雨好紅薇點圓荷金蓋出幽草坐嗅白蓮蓋臥看青  
司馬文正公集

卷四十五

古詩

六

竹枝閑齋不成寐起讀聖俞詩

### 送劉仲通知涇州

四載一相逢相逢遽爲別儕輩日蕭條與君俱白髮卮酒  
不暇執舊遊那復說忽忽無佗言暑行戒饑渴

### 螢

林塘荒濕地向夕已飛螢月沒蛩吟砌露涼人在庭隨風  
疑落燼過水亂疎星學子燈前寢誰將爾照經

### 張明叔家瑞蓮

君家得蓮種遠自浙江湄明燭然深盃濃朱畫細絲盛開

尤齒蒼到落不離披豈獨夏花好仍兼秋實奇味長包石  
蜜澁嫩剥燕脂况復芬芳久霜前殊未衰

蓮房

蓮房前後孰俱噉不須齊肉嫩山蜂子稜深天馬蹄尚連  
餘蓋在深映亂荷底脆美知新采近根猶帶泥

司馬文正公集之四十五終

司馬文正公集

卷四十五

古詩

九

